


Ntsiab Lus Txog
Kevcai Raus Dej

Ntawm

Koom Haum Giám Lý Liên Hiệp

Mark W. Stamm



Ntsiab Lus Txog
Kevcai Raus Dej

Ntawm

Koom Haum Giám Lý Liên Hiệp

Mark W. Stamm

Ib tus Hmoob nyob Nyabhlaj (Vietnam) txhais phau ntawv no.

Txheej Txheem

Lus Qhib Thawj.....	4
Kevcai Raus Dej: Hauv Paus Ntawm Vajluskub.....	7
Kevcai Raus Dej: Txoj Kev Cawm Dim & Txoj Kev Tshaj Moo Zoo.....	12
Nkag Mus Rau Hauv Tus Dej Cawm Siav Ib Txhis: Txoj Kev Taw Qhia Ua Kevcai Raus Dej.....	16
<i>Npaj Cov Npe: Los Ua Kevcai Raus Dej.....</i>	17
Kev Tsim Muaj Txoj Kevcai Dawb Huv Nyob Hauv Peb Lub Paj Hlwb: Kevcai Siv Dej.....	20
Yog Leej Twg Rooj Kevcai Raus Dej? Tej Tes Haujlwm Sib Txawv Nyob Hauv Rooj Kevcai.....	23
Yam Dabtsi Txuas Ntxiv? Cov Kev Taw Qhia Ntawm Keeb Kwm Thiab Cov Kev Taw Qhia Ua Tes Haujlwm Dawb Huv.....	27
Cov Lus Nug Pheej Ntsib Nyob Hauv Koom Haum Giám Lý Liên Hiệp Rooj Kevcai Raus Dej.....	30
Ntaub Ntawv Nyeem Pab Pwv Ntxiv.....	40



Lus Qhib Thawj

Yuav ua li cas kom peb thiaj nkag siab tau txog tej uas Koom Haum Giám Lý Liên Hiệp tabtom coj nyob rau hauv rooj Kevcai Raus Dej? Nyob rau hauv cov lus qhib thawj ntawm “Kev Cog Lus Ntawm Kevcai Raus Dej Thib I” (*The Baptismal Covenant I*) twb tau hais txog lub ntsiab lus no. Tus xibfwb lossis tus Thawjcoj yuav hais li no:

Ib tsoom kwvtij sawv daws uas nyob hauv Yexus Khetos lub npe:

Dhau ntawm rooj Kevcai Raus Dej

Peb tau muaj feem pib mus koom npe rau hauv Yexus Khetos pawg ntseeg uas dawb huv

Peb tau koom mus rau hauv Vajtswv txoj kev cawm dim thiab tau yug dua tshiab dhau los ntawm Vaj Ntsuj Plig

Tagnrho txhua yam uas peb tau txais no puav leej yog Vajtswv pob khoom plig suav tsis txheeb uas tau muab pub dawb rau peb.

Dhau ntawm Kevcai Raus Dej, Peb tau yug dua tshiab dhau los ntawm Vajtswv pob khoom plig uas muab pub dawb thiab peb tau coj mus rau hauv ib tsev neeg uas tau hu tias pawg ntseeg. Kuj zoo li txhua tsev neeg, peb yuav txais tau tej zaj xwm txheej uas yog tej zaj xwm txheej yuav tham txog Vajtswv lub hwjchim nyob hauv Vajluskub. Zaj xwm txheej uas peb tau txais tsis yog tsuas hais txog yav tag los xwb tiamsis kuj yog ib zaj xwm txheej hais txog tiam tamsim no thiab peb tau nqua hu mus rau

hauv thiab Vaj Ntsuj Plig coj zaj xwm txheej ntawd nkag los rau hauv peb lub neej tiag, kiag ntawm no thiab kiag tamsis no. Dhau rooj Kevcai Raus Dej, Peb yuav dhau los yog ib feem nyob rau hauv zaj xwm txheej uas tabtom txuas ntxiv mus yog hais txog Vajtswv txoj kev hlub uas muab pub dawb rau peb.

Txawm yog peb hais tias, “Tagnrho txhua yam no puav leej yog Vajtswv pob khoom plig uas muab pub dawb rau peb” tiamsis tsis yog hais tias nyob rau ntawd tsis muaj haujlwm dabtsi rau peb ua, lossis Vajtswv tsis muaj kev vam rau ntawm peb. Ib yam khoom plig nyob rau hauv ntau yam uas peb muaj feem ua tau rau cov neeg uas peb hlub yog ua ib yam dabtsi uas tseem ceeb, thiab peb muaj cuab kav ua tau ntau dua li ntawd, ntawd yog peb siv peb lub sijhawm mus koom tes nrog tej haujlwm zoo. Txhais tau hais tias peb koom nrog Vajtswv. Nrog rau lub ntsiab lus ntawd, nyob rau hauv kev cog lus ntawm Kevcai Raus Dej, pawg ntseeg nug peb txog peb lo lus nug kom pab rau peb loj hlob nyob hauv lub neej ua thwjtim.

Sawv cev ntawm koom haum, kuv thov nug nej:

Nej sawv daws puas kam tso nej tej kev phem kev qias ntawm sab ntsuj plig pov tseg mus,

nej puas kam tswj nej lub siab tsis mus koom nrog tej kev phem hauv lub ntiajteb no,

thiab nej puas txiav txim siab lees nej tej kev txhaum tagnrho?

Nej puas kam txais yuav Tswv Yexus ua nej tus Tswv Cawm Seej,

thiab muab tagnrho nej txoj kev ntseeg tso rau ntawm Vajtswv txoj kev hlub,

thiab cog lus yuav ua dej num pub rau Vajtswv ib yam li yog nej tus Tswv,

dhau los ntawm kev koom tes nrog lub koom haum uas Khetos twb muab pub rau nej uas nyob txhua lub sijhawm, txhua lub tebchaws, thiab txhua haiv neeg?

Nyob rau ntawm txhua lo lus nug, cov uas yuav tau ua kevcai Raus Dej thiab lossis nrog lawv cov niam qhuav txiv qhuav yuav teb hais tias, “Kuv txaus siab.” Peb tej lus teb tsis yog tsuas lam teb raws kevcai rau

hnub ntawd xwb. Ntawm no yog peb lo lus teb thawj thawj yuav coj peb kev mus koom nrog Vajtswv txoj kev cawm dim thiab txoj kev dawb huv. Twb yog vim li no, peb yuav rov qab ntsib cov lus nug no nyob rau lwm rooj kevcai xws li kevcai tim khawv lees txais kev ntseeg (*confirmation*), kevcai rov qab lees txais yuav kev ntseeg (*confirmation*) txog ntawm kevcai cog lus ntawm kevcai Raus Dej rau tagnrho pawg ntseeg lossis rau ib tug twg, thiab nyob rau lub sijhawm twg uas muaj ib tug los koom rau hauv pawg ntseeg dhau ntawm cov lus lees txais kev ntseeg, kuj yog hais txog cov ntseeg uas los ntawm lwm lub koom haum los raws li Koom Haum Phau Kab Lis Kevcai tau sau tseg (*The Book of Discipline*).

Raws lub sijhawm dhau mus, thaum peb coj raws li cov lus cog tseg no, ces peb muaj cuab kav nug tej lus nug uas tseeb dua, xws li: Nyob qhov twg peb ntsia pom tej kev phem kev qias tau tshwm tawm, tsis hais nyob rau hauv peb tej pab pawg thiab yuav ua li cas kom peb tawm tsam tau tej ntawd? Kev phem ua tib zoo tshwm tuaj, nws tsis hnav ib cev ris tsho liab thiab tsis tuav ib tug muv peb ceg kom peb pom tseeb. Yog li peb tsim nyog nug ntxiv tias, “Yam dabtsi yog zoo li lees txais yuav Tswv Yexus Khetos ua tus Tswv Cawm Seej thiab pab haujlwm rau Nws kom phim nyob rau hauv peb lub zej lub zos? Thiab “Yuav ua li cas kuv thiaj lees yuav txoj kev ywj pheej thiab lub zog uas Vajtswv muab pub rau kuv ntawd nws zoo dua li kuv lub zog tamsim no?” Ib zaus ntxiv, cov lus nug no yuav tsim tau ib txoj kev coj mus tagnrho hauv tus thwjtim lub neej. Kuv twb tau tham txog tej kev cog lus ua kevcai Raus Dej thiab tej lub ntsiab lus nyob rau hauv ib phau ntawv me ua pab pwv rau hauv txhua zaj qhia no, *Peb Tej Kev Cog Lus Nyob Rau Hauv Koom Haum Giám Lý Liên Hiệp* - (*Our Membership Vows in The United Methodist Church*), thiab kuv muab qhia tawm rau nej sawv daws.



Kevcai Raus Dej Hauv Paus Ntawm Vajluskub

Zaus thawj thawj uas cov ntseeg Khetos ua kevcai Raus Dej yog nyob rau hnub Vaj Ntsuj Plig nqes los (hnub Peetekos). Cov thwjtim “los koom nyob ib thaj chaw” thiab tos “yam uas Vajtswv twb tau cog lus tseg” (Tes Haujlwm 1:4; 2:1). Lo lus cog tseg ntawd tau ua tiav thaum Vaj Ntsujplig nqes los laub rau saum sawv daws tag nrho. Cov thwjtim puv npo Vaj Ntsujplig thiab tshaj tawm txoj moo zoo dhau ntawm ntau yam lus sib txawv, yog li ntawd tagnrho txhua tus uas tshwm ntsej muag rau thaj chaw ntawd “puav leej hnov txog tej yam haujlwm muaj hwjchim uas Vajtswv tau ua” (2:11). Tej no ua rau cov uas pom thiab hnov puav leej xav tsis thoob thiab ntseeg tsis tau li, txog qib uas lawv xav yuam kev hais tias yog cov thwjtim qaug cawv. Tiamsis tsis yog li ntawd, Petus twb hais meej meej lawm. Tiamsis yog haiv neeg Yilaxayees tus Vajtswv tabtom ua haujlwm nruab nrab ntawm lawv, kuj yog tus Vajtswv uas ua haujlwm rau hauv sawv daws lub neej, rau hauv Khetos txoj kev tuag thiab kev sawv rov qab los. Petus hais, “Yog li ntawd cov Yixalayees, nej sawvdaws yuav tsum paub hais tias tus Yexus uas nej muab ntsia rau saum ntoo khaublig, yog tus uas Vajtswv tsa ua tus Tswv thiab ua tus Mexiyas lawm.” (Tes Haujlwm 2:36). Cov uas hnov Petus hais li ntawd, lawv nyuaj siab heev thiab teb hais tias, “Cov kwvtij, peb yuav ua li cas?” Thiab Petus teb kom lawv los ua kevcai Raus Dej (Tes Haujlwm 2:37-38), Petus twb tau hais li no rau lawv:

“Nej txhua tus nyias yuav tsum tso nyias tej kev txhaum tseg thiab ua kevcai raus dej ntawm Yexus Khetos lub npe, Vajtswv thiaj yuav zam

*txim rau nej thiab nej thiaj yuav tau Vaj Ntsujplig tus Dawbhuu.
39Rau qhov Vajtswv coglus tseg hais tias nws yuav pub tej no rau nej,
rau nej cov menyuam thiab rau cov neeg nyob deb tus Tswv uas yog peb
tus Vajtswv hu los ua nws haivneeg.” (Tes Haujlwm 2:38-39 HWB).*

Nyob hauv Petus cov lus nqua hu txog Kevcai Raus Dej hnuv uas Vaj Ntsuj Plig nqes los, peb kawm pom ib tug qauv txog kevcai Raus Dej mus thoob plaws hauv phau Tes Haujlwm.

Thib ib, yog lo lus nqua hu los lees txim. Lo lus no tau txhais ntawm cov lus Kilis hu tias *metanoen*, nws muaj lub ntsiab hais tias yog hloov pauv lub paj hlwb, txoj kev xav ntawm ib tug neeg. Nws kuj muaj lub ntsiab tias yog ib txoj kev hloov pauv loj ntawm yam no mus rau yam tod. Luag tej muab piv hais tias txoj kev hloov pauv no zoo li tig nraub qaum 100% rau ntawm tej kev txhaum, kev phem thiab tagrho txhua yam uas tav kev peb lub neej, peb txoj kev ntsia mus rau ntawm Vajtswv lub tebchaws.

Yam thib ob yog mus da rau ntawm tus dej uas zam tau txhua txoj kev txhaum (Tes Haujlwm 2:38). Nyob rau thaum uas peb tsis paub yuav nrhiav txoj kev twg los qhia kom paub tias dej tau siv li cas, ces lo lus Raus Dej qhia rau peb paub dej tau siv li cas, lo lus Raus Dej tau peb qiv ntawm lo lus Kilis uas hu tias *baptizo*, txhais lub ntsiab tshwm plaws yog, raus lossis dhia mus rau hauv dej. Tsawg kawg nkaus, lo lus no kuj qhia tau rau peb paub tias dej tau siv ntau los ua rooj kevcai no. Kuj muaj ib phau ntawv ntshiv, *The Didache*, nqua hu kom ua kevcai Raus Dej rau ntawm tej tug dej uas ntwis thiab txias, yog hais tias tsis muaj ib tug dej li ntawd ces siv lwm yam dej kuj tau. Nyob rau tiam thib ib thiab thib ob, cuag li kuj muaj ntau txoj kev siv dej los ua kevcai Raus Dej tau pawg ntseeg txais yuav.

Thib peb yog lo lus cog tseg tias cov uas tau ua kevcai Raus Dej yuav “txais tau Vaj Ntsujplig uas yog qhov khoom plig loj.” Lo lus cog tseg no tsis yog tsuas tseg rau cov neeg uas tshwm rau ntawd xwb, tiamsis tseem yog tseg rau lawv tej menyuam xeeb ntawv thiab rau “cov neeg nyob deb deb tus Tswv uas yog peb tus Vajtswv twb hu los ua nws haivneeg.” (Tes Haujlwm 2:38b-29). Yog tias peb nyeem hauv phau Tes Haujlwm peb yuav pom muaj qee qhov, tib neeg tau txais yuav Vaj Ntsujplig ua ntej uas ua kevcai Raus Dej (piv txwv Tes Haujlwm 10:44-48), thiab qee zaub tau pub Vaj

Ntsujplig rau tom qab uas twb ua kevcai Raus Dej lawm (Tes Haujlwm 19:1-7). Vaj Ntsujplig txoj kev ywj pheej tau muab pub zoo li saud, txhais tau hais tias yeej tsis muaj ib txoj kevcai twg tau siv ruaj khov rau Vaj Ntsuj Plig. Cia li cia tej no qhia tawm hais tias Kevcai Raus Dej muab ib tug neeg los tso rau hauv Vajtsww haiv neeg thiab nyob rau ntawd muaj Vaj Ntsuj Plig ua haujlwm puv ntoov rau hauv tus neeg ntawd.

Peb yuav siv cov lus cog tseg no li cas rau ntawm tej menyuam? Ntawm no yog ib co lus cog tseg. Nyob ntawm cov neeg Yudas kev totaub (Hebraic), ib nqe lus cog tseg twg tau siv rau ib tus tswv cuab hauv tsev neeg ces puav leej siv tau rau cov menyuam (Chivkeeb 12:1-3; 17:1-14). Ntawm no, peb muaj cov kev kawm paub ntawm sab ntsujplig tsis yog tsuas pub cai ua kevcai Raus Dej rau cov menyuam xwb, tiam sis yog ib yam uas peb muaj cuab kav cia siab kom txais tau. Ntawm no tsis yog ib txoj kev kawm paub uas tshiab, tiam sis tseem ntau dua li ntawd yog ib lub hauv paus uas haiv neeg ntawm cov lus cog tseg twb tau paub thiab coj txij puas thaum Aplahs tiam los lawm. Nyob rau hauv Vajluskub Tshiab ho tsis muaj ib tug neeg twg ua tim khawv txog kevcai Raus Dej rau cov menyuam, zaj piv txwv hais txog cov lus cog tseg tau siv rau tagrho tsev neeg ces kuj tau ua li ntawd nyob hauv rooj kevcai Raus Dej, nyob rau hauv tsev neeg ntawd thaum tus tswv cuab los ntseeg Tswv Yexus ces yuav coj tagrho nws tsev neeg los ua kevcai Raus Dej, tej thaum kuj muaj menyuam yau thiab menyuam mos liab nyob rau hauv tsev neeg ntawd (Tes Haujlwm 16:11-15, 25-34). Muaj qee lub pab pawg cov ntseeg lawv tsis txaus siab rau qhov uas kuv tabtom tham txog no, tiam sis cov ntseeg uas nyob rau tiam thib peb lawv twb hais tias kevcai Raus Dej rau cov menyuam yog yam uas sawv daws yeej zoo siab nyob rau tiam ntawd, hais tau hais tias tsawg kawg nkauj kuj muaj ib cov ntseeg uas nyob tiam xub thawj kuj thoov yim ib yam li peb. Txawm li ntawd los, hais kom yooj yim ces yeej tsis muaj ib qho tim khawv twg los ua pov thawj lossis qhia tau hais tias muaj qee cov (lossis coob) cov ntseeg uas nyob rau tiam thib ib twb tau coj lawv tej menyuam tuaj ua kevcai Raus Dej.

Nyob rau ntawm peb yog cov uas ua txuas ntxiv tes haujlwm no thiab cov thwjtim thiab cov ntseeg tiam xub thawj tabtom ntsia ntsoov peb (Efexu 2:20), qhov uas coj tej txoj kevcai – xws li puas txheej muab cov menyuam ua kevcai Raus Dej – yog ib txoj kev xav nyuaj ntawm txhua pawg ntseeg, thiab txhua lub koom haum nyias muaj nyias ib txoj kev xaus lus rau qhov

teeb meem no. Txawm li ntawd los, yog xav kom tseeb thiab meej, ces cov xibfwb lossis pawg ntseeg tsis txhob txiav txim siab txog tej teeb meem no. Tiamsis cia txhua lub koom haum ua tes haujlwm ntawd. Nyob rau ntawm peb lub koom haum Giám Lý Liên Hiệp twb siv txoj kevcai ua kevcai Raus Dej rau cov menyuam mos, menyuam yau thiab rau cov uas tsis cim civ teb tau cov lus nug thiab koom haum kuj txais yuav qee qhov zoo txog lub ntsiab lus no thiab peb yuav nkag siab txij no mus.

Nyob rau hauv Koom Haum Giám Lý Liên Hiệp, qhov uas pab rau peb muaj kev xav yog txog tag nrho txhua tus uas nyuam qhuav ua kevcai Raus Dej tag thiab tawm plaws hauv dej los – txawm yog menyuam nyuam qhuav tau 50 hnuv lossis tus neeg laus twb muaj 50 xyoo los, lawv puav leej yog ib co menyuam mos nyob hauv Tswv Yexus Khetos lub npe, yog cov ntseeg uas nyuam qhuav yug dua tshiab, lawv cheem tsum Vajtswv haiv neeg los tu lawv thiab pab lawv (Yauhas 3:1-7, v.v...). Txawm li peb txoj kev xav, cov ntseeg Anabaptist thiab Baptist lawv ntuas peb hais tias cov ntseeg uas twb loj hlob lawm thiaj yog kevcai Raus Dej lub haum phiaj. (Peb thooj yim nrog lawv lub haum phiaj no. Yog hais tias nej xav paub ntixiv txog peb txoj kev ua kevcai Raus Dej rau cov menyuam kom meej thiab tseeb dua ces thov caw nej saib hauv phau “Kevcai Raus Dej, Nrhiav Pom Vajtswv Qhov Khoom Plig” (*Baptism, Understanding God’s Gift*) Tus sau: L. Edward thiab Sara Webb Phillips.)

Cov lus xaus ntawm hnuv Vaj Ntsuj Plig nqes los ua rau kub siab kawg: ... “nyob rau hnuv ntawd, muaj kwv lam li peb txhiab tus los rau hauv pawg ntseeg (Tes Haujlwm 2:41). Txhua zaus uas kuv rov qab piav txog zaj xwm txheej no rau kuv cov tub kawm mloog, kuv pheej nres rau ntu ntawm no thiab hais kom zoo luag: “Thiab tom qab, tagnrho txhua tus puav leej rov qab mus tsev thiab hais tias, “zoo kawg li thiab ntawd yog tej uas tau hloov pauv nyob rau hauv txoj kev ntseeg!” Txhua zaus uas lawv ceev faj, lawv tsis thooj yim li kuv thiab lawv hais tias, “Ntawd tsis yog tagnrho txhua yam uas twb tau tshwm sim”, yog, lawv hais yog lawm. Cov ntseeg thaum xub thawj, lawv yog ib pab neeg tshiab, yog ib haiv neeg uas “niaj hnuv tuaj kawm tej uas cov timthawj qhia, lawv sib hlub sib pab, lawv koom noj Yexus rooj mov thiab thov Vajtswv ua ke” (Tes Haujlwm 2:42). Lawv yog ib haiv neeg uas Vaj Ntsujplig tes haujlwm tau ua tshwm sim rau hauv lawv. Lawv ib tug txhua txog ib tug, sib pab tsis faib cais, txoj kev sib pab ntwms mus tsis tu, thiab coj tau lwm tus los koom nrog lawv txoj kev sib

raug zoo. Ntu ntxiv mus ntawm phau Tes Haujlwm qhia txiv txog Vajtsuv
txoj kev hluv uas tau muab pub dawb uas peb twb tau txais nyob rau hauv
rooj kevcai Raus Dej, peb sau ntxiv tej ntu mus tom hauv ntej. Luag nrhiav
pom ib txoj kev qhia moo zoo puv ntoob nyob rau ntawm no thiab peb
yuav tau kawm ntxiv nyob rau ob peb ntu tom qab.



Kevcai Raus Dej: Txoj Kev Cawm Dim & Txoj Kev Tshaj Moo Zoo

Txij puas thaum ub los, cov ntseeg Giám Lý twb tham txog rooj kevcai Raus Dej ntawm lub ntsiab lus *ordo salutis*, lossis txojkev cawm dim (*order of salvation*). Txoj kev sib txuas muaj zog ntawm kevcai Raus Dej thiab ntawm txoj kev cawm dim twb tau nrhiav pom dhau ntawm tej ntu Vajluskub uas peb twb saib dhau los, nyob hauv, peb pom Petus twb hais txog cov neeg uas mus nrhiav kevcai Raus Dej dhau ntawm cov lus li no: “Nej yuav tsum nrhiav kev khiav kom dim, nej thiaj tsis raug txim li cov neeg siab phem no!” (Tes Haujlwm 2:40). Yog li, qhia tau hais tias txij puas thaum ub los, cov ntseeg twb ntseeg hais tias kevcai Raus Dej yog ib yam uas yuav tsum muaj nyob rau hauv Vajtsvw txoj kev npaj uas los cawm peb dim.

Cov ntseeg uas ntseeg raws li Wesley twb piav txog *ordo salutis* zoo li Vajtsvw txoj kev hlub pub dawb uas tau siv los cawm dim dhau ntawm peb txoj hau kev. Thib ib, “kev hlub pub dawb xub thawj” (*prevenient grace*), ntawm no yog txoj kev hlub uas coj peb los ze rau ntawm Vajtsvw thiab yog txoj kev hlub uas twb ua haujlwm rau hauv peb tus kheej ntev los puas thaum peb tsis tau paub txog txoj kev hlub ntawd. Thib ob, yog “kev hlub suav tias ncaj ncees” (*justifying grace*), ntawm no yog Vajtsvw nqes tes ua haujlwm kom peb mus ncaj rau ntawm Vajtsvw thiab nrog Vajtsvw muaj kev sib raug zoo, peb tau txais kev zam txim, thiab tau tso dim ntawm tej kev txhaum. Thib peb, yog “kev hlub ntxuav kom dawb

huv” (*sanctifying grace*), ntawm no yog Vajtswv tes haujlwm ua kom peb tau ntxuav dawb huv, tau coj mus rau hauv Vajtswv txoj kev hlub, mus rau ntawm txhua tus uas nyob ib ncig ntawm peb thiab tau kho kom zoo dua mus. Muaj ib txhia neeg hais txog kevcai Raus Dej rau cov menyuam zoo li ib txoj kevcai xwb thiab tsuas txuas mus rau ntawm txoj “kev hlub pub dawb xub thawj” xwb. Tiamsis, cov tseeg Wesley txoj kev ntseeg ces nqua hu kom peb cia li saib rooj kevcai Raus Dej zoo li ib teg haujlwm pib ntawm txoj kev hlub pub dawb ncaj ncees mus (ntxuav kom peb tej kev txhaum huv mus) thiab kuj yog tej lub paj txiv thawj thawj ntawm txoj kev hlub suav tias ncaj ncees. Yog li, peb yuav tsum pom tseeb Vajtswv txoj kev hlub pub dawb tes haujlwm tsis yog tsuas yog ib txoj kev ncaj pib ntawm kev hlub xub thawj mus rau ntawm kev hlub ncaj ncees thiab mus ntxiv rau ntawm txoj kev hlub dawb huv xwb, tiamsis tseem yog ib yam dabtsis uas zoo txaus dua thiab thiab muaj ntau yam dua. Txawm yog kuv twb yog ib tug ntseeg tau ntau xyoo los lawm, tiamsis Vajtswv tseem coj kuv mus rau hauv Vajtswv txoj kev sib raug zoo uas tob dua thiab kom kuv cog lus rau Vajtswv tes haujlwm thiab Vajtswv txiav txim rau kuv tej kev txhaum thiab Nws tawm ib txoj kev los nrog kuv sib raug zoo thiab zam txim rau kuv. Tagnrho ob txoj kev hlub pib thawj thiab kev hlub dawb huv puav leej tshwm rau hauv rooj kevcai Raus Dej dhau ntawm ntau txoj kev sib txawv, yog ua ntxiv kevcai Raus Dej tes haujlwm tsis tag yog rau cov ntseeg uas twb loj hlob lawm.

Kuj zoo li Koom Haum Giám Lý Liên Hiệp txoj kev xav txog kev sib txuas ntawm kevcai Raus Dej thiab kev cawm dim, peb tej kev kawm paub ntawm sab kev ntseeg tsis yog tsuas qhia kom peb hais txog kevcai Raus Dej zoo li ib txoj kev sib cais “rau cov neeg uas tau mus ntuj ceeb tsheej thaum lawv tag sim neej.” John Wesley twb pib nws zaj lus qhuab qhia los ntawm lub ntsiab lus: “Vajluskuv Qhia Txog Kev Cawm Dim” (*The Scripture Way of Salvation*) dhau ntawm tej nqe lus hauv qab no:

Thiab ua ntej no, peb cia li nug tias, kev cawm dim yog dabtsi? Txoj kev cawm dim uas peb hais txog ntawm no tsis yog hais txog tej yam uas peb pheej totaub, yog hais txog mus saum ntuj ceeb tsheej, txog kev zoo siab mus ib txhis. Nws tsis yog txoj kev mus saum ntuj ceeb tsheej ntawm peb tus ntsuj plig, tiamsis tau peb tus Vajtswv hu hais tias, “nyob hauv Aplahas lub xub ntiag.” Nws tsis yog ib txoj koob hmoov nyob sab tid ntawm txoj kev tuag; lossis, zoo li peb pheej hais, nyob

rau lwm lub tebchaws. Nyob kiag ntawm nws cov lus hais twb qhia tawm tias nws mus deb dua thiab dav dua li cov lus nug: “Koj twb tau cawm dim.” Nws tsis yog ib yam dabtsi uas nyob deb heev: tiamsis nws yog ib yam dabtsi nyob rau tiam tamsim no, yog ib txoj koob hmoov, yog los ntawm Vajtswv txoj kev khuv leej thiab Vajtswv txoj kev ywj pheej, tamsim no koj twb txais tau yam ntawd lawm. Tsis yog li ntawd, cov lus no nws muaj cuab kav ntev mus dua kom haum, “koj twb tau cawm dim”: Yog li txoj kev cawm dim ntawm no tau nthuav dav rau tagnrho Vajtswv txhua tes haujlwm, pib thaum uas Vajtswv txoj kev hlub pub dawb tau muab pub rau peb zoo li tagkis sawv ntxov lub hnub tawm tuaj ci tshav ntuj mus txog rau thaum txoj kev hlub ntawd tau ua tiav nyob rau hauv Vajtswv lub tshwj chim.

(John Wesley, “The Scripture Way of Salvation” <http://www.umcmission.org/Find-Resources/John-Wesley-Sermons/Sermon-43-The-Scripture-Way-of-Salvation>. Hnub 24 lub 8 hli xyoo 2016.)

Wesley hais tias, Vajtswv tes haujlwm cawm dim yog tagnrho txhua yam uas Vajtswv tau ua kom cawm peb dim, yog tej yam uas tau pib nyob rau hauv peb lub neej no. Raws li Wesley, Kevcai Raus Dej yog ib txoj kev pheej tshaj txuas mus rau ntawm peb txoj kev ncaj ncees. Lo lus “pheej tshaj” (*normal*) muaj lub ntsiab lus tias “haum li txhua sijhawm” (*regular*) losis “zoo pheej tshaj” (*normal*) lossis “zoo haum xwb” (*most usual*). Nyob rau ntawm peb, Kevcai Raus Dej yog lub chaw pib rau ntawm peb txoj kev tau lees tias ncaj ncees, thiab ntawd yog ib qho haujlwm thiab yog ib txoj kev rau peb pib lub neej ncaj ncees ntawm Vajtswv (thiab Vajtswv kev ntxuav kom dawb huv) hauv peb tus kheej. Kuj hais tau hais tias, Vajtswv muaj cuab kav pib tej tes haujlwm zoo li ntawd nyob rau hauv peb lub neej dhau ntawm ntau txoj hau kev sib txawv.

Txoj kev uas Wesley thiab cov kev kawm txog Wesleyan nkag siab txog tagnrho txhua yam no yog Kevcai Raus Dej yog ib txoj kev pheej tshaj (haum) uas Vajtswv siv pub rau peb kom peb mus koom tau rau hauv Vajtswv lub neej thiab Vajtswv tes haujlwm, dhau hauv peb thiab dhau ntawm peb, ntawm no thiab ua li cas. Tes Haujlwm tshooj 2 twb qhia tawm tej no, zoo li peb twb tau tshaj tawm dhau hauv kevcai Raus Dej, “Peb tau koom ua ke nrog Vajtswv lub hwjchim cawm dim.” Kevcai Raus Dej coj peb pib mus rau hauv txoj kev uas yuav dhau los yog ib feem ntawm txhua yam uas Vajtswv tabtom ua rau lub ntiajtec no.

Pib los ntawm kevcai Raus Dej rau sawv daws, kevcai Raus Dej pib coj peb mus rau hauv txoj kev hlub ntxuav kom dawb huv rau hauv cov pej xeem nrog rau ntawm pawg ntseeg uas yog qhov chaw peb tau nqua hu thiab tau txais hwjchim mus tawm tsam tej kev phem thiab tsis ua phem rau leejtwg. Vajtswv txoj lus thiab tej Rooj Kevcai Dawb Huv pab kom peb ua haujlwm pab rau Yexus Khetos zoo li pab rau Vajtswv, thiab ua tagnrho txhua yam zoo uas peb ua tau. Peb txais yuav lo lus nqua hu ntawm rooj kevcai Raus Dej ntawm pawg ntseeg kom dhau los ua tus coj txoj kev sib raug zoo mus rau lub ntiajeb thiab ua peb lub neej ntxiv kom tawg paj txi txiv dua mus rau hauv Khetos. Nyob rau hauv peb txoj kev mus rau saum ntuj ceeb tsheej nrog pawg ntseeg pib los ntawm rooj Kevcai Raus Dej, peb nrhiav pom ntau zaus tias peb lub haum phiaj ua neej yog muab peb lub neej fij mus ua dej num pab rau lwm tus. Nyob hauv rooj Kevcai Raus Dej, peb tau coj mus rau hauv tus dej ntwis uas cawm txoj sia thiab peb twb saj tau tus dej ntawd, kiag tamsis no, yog tus dej uas muaj tus ntxhiab tsw qab txog lub ntuj ceeb tsheej.



Nkag Mus Rau Hauv Tus Dej Cawm Siav Ib Txhis: Txoj Kev Coj Ua Kevcai Raus Dej

Tswv Yexus twb hais rau ib tug poj niam Xamalis hais tias, Tus Tswv muaj cuab kab pub tau “cov dej uas cawm txoj sia” rau tus poj niam ntawd. Tus Tswv hais tias, “Tiamsis tus uas haus cov dej uas kuv muab rau nws yuav tsis nqhis ib zaus li lawm.” (Yauhas 4:14 HWB). Tswv Yexus hais tias thaum uas peb txais tau cov dej uas cawm txoj sia no, txhua yam kev cheem tsum uas nyob hauv peb lub siab ntshaw yuav tau tshawm kom puv nkaus. Tseem ntau dua li ntawd, thaum uas peb twb nkag mus rau hauv tus dej uas cawm txoj sia lawm, peb yuav yog ib feem ntawm Vajtswv txoj koob hmoov uas ntwis mus pub rau lub ntiajteb, txhais tau hais tias peb yuav yog cov uas mus koom rau hauv “cov dej uas txhawv tawm txoj sia mus ib txhis.” (Yauhas 4:14). Dhau los ua ib tus dej ntwis tawm Vajtswv txoj kev hlub pub dawb uas pab tau peb hnov txaus siab rau txhua yam uas peb ntshaw, vim rau qhov Vajtswv tsim peb los yog cia kom peb “fij peb lub neej mus pub rau lwm tus.” Fij lub neej ua haujlwm yog lub ntsiab tseem ntawm Vajtswv Vaj Peb Leeg uas peb twb tau los txais ua kevcai Raus Dej. Peb yuav tib txhij yog tus neeg muaj kev hlub tob thiab nyob ze ntawm Vajtswv thaum peb muab peb lub neej fij mus rau txoj kev hlub.

Peb yuav ua haujlwm nrog Vajtswv li cas kom tsim muaj tej lub neej paub muab fij tagnrho pub rau Vajtswv li ntawd, thiab ua ntej yog yuav ua li cas kom peb thiaj qhia tawm tej yam tseem ceeb no nyob rau hauv thiab nyob ib ncig ntawm lub pas dej uas ua kevcai Raus Dej? Peb mam pib los ntawm ib daim ntawv teev npe.

Npaj nej ib daim ntawv teev npe haujlwm:
Npaj ua kevcai Raus Dej Mus Rau Ntawm
Lub Haum Phiaj Zoo

Cov neeg uas koj kom tswj pehawm zoo yuav tsum yog cov uas los koom tagrho rau ob teg haujlwm; tej txheej txheem hauv rooj kevcai thiab rooj kevcai tej lub haum phiaj. Lub haum phiaj uas txhua tus ntseeg yuav tsum ua tiav yog hwm Vajtswv thiab hlub lwm tus. Rooj kevcai Raus Dej lub haum phiaj yog pib mus rau hauv Vajtswv Vaj Peb Leeg txoj kev hlub thiab tes haujlwm cawm dim uas peb tau paub nyob hauv Yexus Khetos. Rooj Kevcai Raus Dej muaj ntau yam ua rau zoo siab thiab txaus siab. Yog kom koj tau lub rooj kevcai no los ntawm txoj kev hlub uas lub rooj kevcai xav qhia tawm, tus uas koj sijhawm yuav tsum muaj ib daim ntawv teev npe. Tagrho peb puav leej muaj cuab kav tsis thoov yim tias daim ntawv teev npe haujlwm nws tsis yog ib daim ntawv txheej txheem uas zoo tag tag, tiamsis peb cheem tsum muaj nws.

Zoo li ib tug koj kev pehawm, thiab tej thaum yog ib tug kws qhia ntawm kev ncaws pob, kuv xav tias daim ntawv teev npe haujlwm yeej yog ib yam uas zoo tiag tiag – tej zaus yuav tsis zoo saib li thaum pib ncaws pob, tiamsis nws kuj zoo lawm. Hnub pib ntawd yuav zoo tsis tiav yog tias tsis muaj ib daim ntawv teev npe tshuaj xyuas txog: cov neeg zov tshab, cov neeg txais qhua thiab kho mob puas tau cob qhia zoo? Cov uas txhab ntxiv zaub mov thiab lwm yam puas tau muaj txaus? Kuj zoo ib yam li ntawd, txoj kev zoo siab yuav ploj mus thiab txais tsis tau yam zoo ntawm ib hnub pib ncaws pob tias nws tseem ceeb li cas; zoo li kuv tabtom mus yuam kev ntawm no...

Ntawm no yog kuv daim ntawv teev npe haujlwm txog tej yam uas yuav tsum ua nyob hauv rooj kevcai Raus Dej:

- Cov neeg ua kevcai Raus Dej, tus xibfwb koj rooj kevcai Raus Dej thiab pawg ntseeg.
- Tus niam qhuav txiv qhuav
- Qee tus neeg hauv pawg ntseeg uas qhia tawm tus ua kevcai Raus Dej.

- Thaj chaw ua rooj kevcai ...zoo li pas dej (tus dej ntws), thiab muaj ib lub chaw rau sawv daws los koom nrog ntawm pas dej. Sawv daws yuav tsum paub txog thaj chaw ua kevcai Raus Dej zoo li cas kom lawv thiab npaj siab los koom kom zoo.
- Dej, zoo dua mas yog thaj chaw uas muaj dej ntau, peb kuj muaj cai siv tej lub taub dej los laub rau hauv lub pas dej lossis los laub rau tus uas ua kevcai Raus Dej.
- Ib lub rooj ua kevcai Raus Dej twb tau npaj ua ntej – nyob ntawm Koom Haum Giám Lý Liên Hiệp, ib txoj kevcai ntawm Rooj Kevcai cog lus Raus Dej (Services of the Baptismal Covenant) – kom thaum rooj kevcai xaus, tseeb tiag yog kevcai Raus Dej twb tau tshwm sim.

Dhau ntawd, peb muaj cuab kav ntshaw / cheem tsum:

- Kev pab los ntawm cov thawj coj zoo li cov pab dej num, pab ntaus suab taub, thiab tus taws teeb ciab.
- Roj thiab hwj roj los hliv rau cov uas txais ua kevcai Raus Dej.
- Phuam, vim muaj qee tus yuav ntub ntej, tshwj xeeb yog cov uas raus dej thiab tus xibfwb.
- Ib yam dabtsi npog ib ncig ntawm lub chaw ua kevcai Raus Dej, kom tsis txhob txhawj hais tias yuav muaj ib yam dabtsi puag vim siv dej ntau.
- Teeb ciab, daim ntawv pov thawj thiab khoom plig pub rau cov neeg raug ua kevcai Raus Dej lossis rau cov niam qhuav txiv qhuav. (Piv txwv li ntawm ib lub pawg ntseeg uas kuv twb tau ua xibfwb, pab niam tsev Giám Lý ua tej daim pam muab pub rau cov niam txiv uas muaj menyuam ua kevcai Raus Dej.)

Dhau li tej uas yuav tsum npaj ua ntej txog lub rooj kevcai Raus Dej, peb lub koom haum kuj muaj tej kevcai yuam kom peb yuav tsum muaj kev cob qhia ua ntej uas yuav ua kevcai Raus Dej. Cov kev npaj ua ntej uas yuav ua kevcai Raus Dej tsis yog tsuas hais txog qhov kev qhia txog kev ntseeg xwb, tiamsis tseem yog qhov uas tuaj xyaum ua ntej txog hnuv yuav ua kevcai ntawd. Qhov uas ua tiav tej kev npaj txog lub rooj kevcai Raus

Dej kuj yog hais txog qhov uas nrog cov niam qhuav txiv qhuav tham txog txhua nqe cog lus nyob rau hauv rooj kevcai Raus Dej thiab txoj kev uas yuav ua li cas kom koj tau peb mus rau ntawm lub neej muaj kev hlub thiab muaj kev ncaj ncees uas Vajtswv twb nqua hu cov neeg uas twb ua kevcai Raus Dej lawm. Kev npaj ua ntej kuj yog npaj txog pawg ntseeg cov lus thov nyob rau hauv lub sijhawm pehawm nyob rau tagnrho lub sijhawm uas ua kevcai kom qhia tawm lub siab txhawb cov uas ua kevcai Raus Dej. Peb ua tagnrho tej no kom peb koom tes nrog Vajtswv txoj kev hlub thiab tsis tav Vaj Ntsuj Plig tes haujlwm. Nco ntsoov tias, tej kev ntshaw thiab tej kev xav li ntawd peb tsis txhob muab tso rau hauv Vajtswv txoj kev hlub pub dawb. Hais kom yog dua, txoj kev koj nruj nws twb cim cim qhia tawm Vajtswv txoj kev hlub pub dawb, yog ib feem ntawm Vajtswv tes haujlwm uas tabtom nqes tes ua nyob rau hauv cov ntseeg thiab dhau ntawm cov ntseeg uas ua kevcai Raus Dej. Peb ntseeg tias kev hlub pub dawb yog ib yam uas paub tsis tag. Qhov no tsis nyob rau hauv peb tib neeg txoj kev paub. Peb kuj ntseeg hais tias kev hlub pub dawb yog ib lub zog. Nyob rau ntawm peb, lub zog ntawd tau piav qhia tawm nyob rau hauv cov kev cog lus Raus Dej thiab nyob rau hauv cov kevcai txoos (General Rules) yuav taw kev rau peb mus rau ntawm ib lub neej uas tsis raug poob ib yam dabtsi, ua txhua yam zoo uas peb muaj cuab kav ua tau, thiab koom mus rau hauv txoj kev hlub pub dawb.



Kev Tsim Muaj Rooj Kevcai Dawb Huv Nyob Hauv Lub Paj Hlwb: Kevcai Siv Dej

Nyob rau hnuv ua kevcai Raus Dej, pawg ntseeg los koom pehawm ua ke thiab hu cov uas yuav los ua kevcai Raus Dej thiab lawv cov niam qhuav txiv qhuav los sawv rau pem hauv ntej. Pawg ntseeg tshuaj xyuas lawv dhau cov lus nug txog kevcai Raus Dej zoo li peb twb hais txog nyob rau ntu saud. Cov niam qhuav txiv qhuav thiab cov uas los raus dej nrog pawg ntseeg nyeem zaj Cov Tub Txib Tej Lus Ntseeg. Txhua zus uas pawg ntseeg los koom ua ke ua rooj kevcai Raus Dej, ces yuav tsum tau ib tug Kws xibfwb los “tuav Vaj Leejtxiv, Vaj Leejtub thiab Vaj Ntsujplig coj lub sijhawm, txhais tau hais tias peb twb muab lub rooj kevcai uas tau koom haum Giám Lý Liên Hiệp lees yuav thiab tau tagrho cov ntseeg hauv lub ntiajteb no lees yuav muab fij rau Vajtswv. Yog li, thaum uas kuv txhawb nej kom nej siv dej ntau li ntau kom zoo, tsis yog hais tias kuv txawm dhau los yog cov ntseeg Baptist. Tsis tag li ntawd, nim no cov kwvtij ntseeg Txiv Plig (Công giáo) kuj luam ib lub pas dej rau ntawm lawv thaj chaw pehawm, kuj tsim nyog peb ua li no rau peb tej chaw pehawm tshiab kom yooj yim rau rooj kevcai Raus Dej. Hais li no tsis yog hais tias kuv yuam kom cov ntseeg Giám Lý yuav tsum hloov mus ua cov ntseeg Txiv Plig. Thaum kuv txaus siab rau qhov uas siv dej ntau los ua kevcai Raus Dej, txhais tau hais tias kuv tabtom nrhiav kev kom tsim muaj ib txoj kev xav tob thiab dav txog kevcai Raus Dej ntawm cov ntseeg Giám Lý Liên Hiệp.

Yog kom ua tau li ntawd, yuav tsum ua rooj kevcai Raus Dej zoo li tau ntxuav dej kom huv tiag tiag, thiab tsis txhob ua li uas peb ntshai tsam

ib tug twg ntawd raug ntub dej. Hais txog lub pas dej, nws yim loj yim zoo, zoo dua yog loj kom txaus peb muab ib tug neeg ua kevcai raus tagnrho nws lub cev rau hauv dej. Yog lub pas dej loj li ntawd, peb kuj zoo siv rau hom kevcai raus dej uas laub saum taub hau los, thiab lub pas kuj haum rau tus xibfwb sawv ntsug rau hauv ua kevcai Raus Dej rau cov menyuam. Thiab nej lub pas yuav tsum muaj ib lub phiab loj txaus ntim ib tug menyuam peb lub hlis rau hauv lub pas dej ntawd. Lub phiab ntim dej ua kevcai Raus Dej yuav tsum loj dua lub phaj rau thaj uas txhua tus pheej pom. Vim li cas? Yuav tsum nco ntsoov ceev faj hais tias, feem ntau peb tsis txhua siv lub ntim los ntxuav tes tiamsis peb ntxuav cev ntau dua. Thaum peb ua kevcai raus rau hauv dej nws zoo li peb ntxuav cev ib zaus, thiab tom qab peb ntxuav cev txhua txhua hnuv thiab ua li ntawd yuav ntuas peb txog Vajtswv tes haujlwm siab dawb siab zoo uas tau pib dhau los ntawm rooj kevcai Raus Dej thiab ua ntxiv los txog niaj hnuv nim no.

Ua tib zoo txog qhov kev uas laub dej kom sawv daws puav leej pom, thiab tsis txhob cia lub suab nkauj nrov, ua li kom sawv daws puav leej hnov lub suab dej poob. Cia li siv sijhawm rau tes haujlwm no, siv tagnrho txhua lub sijhawm uas sawv daws cheem tsum los xav txog. Yog muaj ib co dej ntwis rau hauv lub tshav puam, li no tej thaum kuj zoo, yog ntuas kom peb nco ntsoov tias, peb yuav txwv tsis tau Vaj Ntsujplig. Ntsia pom dej ntwis thiab hnov dej poob yuav tsim muaj ib rooj Kevcai Dawb Huv nyob rau hauv peb lub paj hlwb, coj peb mus txog rau ib txoj kev xav tias tagnrho tus dej ntawd yuav ntuas peb kom peb nco ntsoov txog Vajtswv txoj kev hluab pub dawb uas twb muab pub rau tagnrho lub ntiaj teb no.


Nyob hauv lub tsev kawm ntawv Southern Methodist, lub tsev pehawm, peb lub pas ua kevcai Raus Dej yog ib lub pas tooj thiab txhua zaus uas laub dej rau hauv peb hnov cuag li nag los saum ru tsev los rau hauv. Lub suab dej nrov ntawd ua rau kuv cim nco txog ntau yam tseem ceeb.

Lub tsev thawj thawj uas wb ob niam txiv mus nyob muaj ib lub pas ntim dej. Wb paub txog qhov no thaum wb niam thiab txiv nkawd tuaj pab wb tu vaj tsev. Nws tsis zoo li ib lub pas ntim dej, kuv twb tau nug kuv niam tias, “Yog li lub no yog lub dabtsi?” Ua ntej hnuv ntawd, tsuas ua ntej peb lub hli uas yuav txog kuv hnuv yug thib nees nkaum ob. Kuj zoo li txhua tus neeg Amelikas uas lawv nyob rau hauv tej lub moos thiab tej lub nroog mus tag lawv tiam neej. Kuv twb xav hais tias thaum muaj ib tug qhib tus ciav dej ces dej yuav ntwis los rau hauv lub pas zoo li tus dej ntwis

los tsis txawj tag. Hnov kuv lo lus nug, kuv niam teb tias: “Leejtub, muaj ib lub pas ntim dej ces qhia tau hais tias yog ntuj tsis los nag ces koj yuav tsis muaj dej os.”

Hnub ntawd, kuv kawm tau ib ib yam txog txoj kev sib txuas ntawm dej thiab nag uas peb pheej coj los siv. Kuv rov kawm tau zaj kawm no dua ib zaus ntxiv thaum kuv nyob rau sab qaum teb cheem tsam Texas, yog thaj chaw uas yim hnub peej xeeb yim coob thiab yim hnub ntuj yim qhuav ua rau cov pas dej tsis muaj txaus dej rau cov pej xeeb. Nrog rau tej uas kuv twb ntsib dhau ntawd, kuv pheej nrhiav pom tej lub suab nag nrov saum ru tsev los ua rau kuv hnov zoo siab heev li, vim rau qhov tej ntawd ntuas kuv nco txog Vajtswv txoj kev pab rau kuv uas zoo kawg nkaus, ntuas kuv nco txog txoj kev hlub uas tau qhia tawm ntawm lub pas ua kevcai Raus Dej. Kuv hnov meem txom thaum hnov tej neeg hais xov xwm huab cua pheej muab nag hu ua “huab cua phem”, peb kuj paub tias nag yeej tsis phem li ntawd. Txawm yog thaum uas nag los loj ua rau muaj dej dag toj pob, tiamsis tej dej dag toj pob ntawd kuj yog tej yam uas ntuas peb txog Vajtswv txoj kev rau txim (Chivkeeb 6-9, Khiavdim 14-15, tseeb tiag tej uas Vajtswv tsim nws zoo li Vaj Ntsujplig, nws muaj nws cwjpwv thiab peb txhais tes yuav txwv tsis tau. Qhov uas zoo tshaj uas peb ua tau rau txhua yam uas Vajtswv tsim yog peb yuav tsum paub meej txog tej yam ntawd lub hwjchim thiab siv zog koom tes nrog tej ntawd – zoo li pov hwm, kho tej qhov chaw dej nyab, lossis tagnrho lwm yam nyob rau hauv lub neej.

Qhov uas sij dej ntau rau ntawm lub pas dej ua kevcai Raus Dej yuav tsim muaj ib txoj kev zoo rau hauv peb lub hlwb dhau lub sijhawm mus, Peb cia li ua li no kom nws zoo li cov dej uas ntwv poob saum tej lub qhov tsua los. Nws teb tau lub haum phiaj ntawm cov lus thov txoos hauv phau *Ntauv Thov Txoos*: “Tus Tswv, thov koj qhib peb txhua tus lub qhov muag kom ntsia pom koj txhais tes uas muaj kev hlub tes haujlwm, kom peb txaus siab rau hauv txhua yam uas koj tsim los, lawv yuav qhuas koj tagnrho los ntawm lawv lub siab, thiab lawv yuav dhau los ua koj cov tub mab tub qhe saib xyuas koj tej koob hmoov uas zoo kawg nkaus.



Yog Leej Twg Rooj Kevcai Raus Dej? Tej Tes Haujlwm Sib Txawv Nyob Hauv Rooj Kevcai

Peb yuav yuam kev yog tias peb tham txog tej rooj kevcai dawb huv zoo li tias tej haujlwm ntawd tsuas yog cov Kws xibfwb li haujlwm xwb. Yeej tsis ua xyeem xyav, raws li peb keeb kwm, cov xibfwb yog cov uas nres lub rooj kevcai no. “Tus nres rooj kevcai” kuj yog xav hais txog lwm tus uas koom nrog thiab. “Tus nres lub rooj” qhia tawm tias tus xibfwb tes haujlwm yog pab rau kom sawv daws ua haujlwm zoo. Los ntawm tes haujlwm ua tus kav, xibfwb tshuaj xyuas cov uas yuav ua kevcai Raus Dej, taw qhia txog cov lus thov txog ntawm cov dej ua kevcai, thiab siv dej los ua kevcai Raus Dej. Nyob rau hauv txhua tes haujlwm no, pawg ntseeg kuj muaj cov lus teb rau. Pawg ntseeg kuj tau tshuaj xyuas thiab muaj cov lus teb cog lus yuav pab cov uas ua kevcai. Pawg ntseeg koom nrog cov los ua kevcai Raus Dej nrog rau lawv cov niam qhuav txiv qhuav qhia tawm txoj kev ntseeg dhau ntawm Cov Tub Txib Tej Lus Ntseeg. Pawg ntseeg teb qee qhov txog ntawm rooj kevcai Raus Dej thiab koom teb tias “Amees” thaum xaus lo lus thov. Pawg ntseeg kuj teb tias Amees tom qab uas tus xibfwb hais txog txoj kevcai ua raus dej. Yog li ntawd, tagrho cov ntseeg yog cov uas koom siab kub lug rau hauv rooj kevcai Raus Dej no. (*Koom Hauv Giám Lý Lý Liên Hiệp Phau Taw Qhia Ua Kevcai*, tshooj 4, 10-11, 88, 90-91.)

Thiab tseem tshuav ntxiv, Kevcai Raus Dej yuav hais txog qee qhov haujlwm uas dhau ntawm tus xibfwb tes haujlwm. Peb twb tham txog

qee qhov no rau ob peb ntu ntawv ua ntej lawm, tiamsis peb yuav los sib tham kom meej zog rau ntu ntawm no. Tshwj xeeb yog:

- “Ib tug sawv cev ntawm pawg ntseeg los tshaj tawm cov npe uas ua kevcai Raus Dej...” Zoo dua mas tus ntawd yuav tsum yog tus paub meej txog cov ua kevcai Raus Dej (tus niam qhuav txiv qhuav) lossis yog tus uas twb pab thiab txhawb lawv nyob rau hauv lawv lub neej ntseeg. Ntawm no peb pom ib txoj kev pib ntawm lub rooj kevcai Raus Dej mus dav dua thiab deb dua ntawm lub rooj kevcai Raus Dej lawm thiab.
- Tus niam qhuav txiv qhuav pab rau cov uas tawm tsis tau suab rau lawv tus kheej, xws li yog cov menyuam thiab cov uas muaj tus cwj pwm zoo li menyuam. Tus niam qhuav txiv qhuav yuav tsum yog tus paub meej cov ntawd thiab pab lawv kom lawv lub neej ntseeg loj hlob.
- Ib tug thawjcoj uas yog ib tug ntseeg muaj feem coj cai ntawm ntu qhib thawj, ntawm ntu qhua hu pawg ntseeg qhia tawm lawv txoj kev ntseeg, thiab laub dej rau ntawm lub pas uas yuav ua kevcai Raus Dej.

Lwm tes haujlwm ntiv tau hais txog meej meej nyob rau hnuv ua rooj kevcai, tiamsis tau txhais tawm: Piv txwv li:

- Ib tug pab dej num (*deacon*) ua haujlwm zoo li “tus tuav haujlwm” ib ncig ntawm lub pas dej, nws koom ua haujlwm nrog tagnrho cov uas muaj haujlwm sib txawv rau ntawm lub pas dej kom pab rau tus xibfwb nres haujlwm nws rau siab rau tes haujlwm coj sawv daws thov Vajtswv thiab nqes tes rau cov haujlwm hauv rooj kevcai Raus Dej.
- Ib tug tub coj nkauj muaj feem los coj sawv daws hu cov nkauj nyob rau hauv lub rooj kevcai Raus Dej. Tus no coj sawv daws hu nkauj thaum lub sijhawm tus neeg ua kevcai Raus Dej mus ze rau ntawm lub pas dej lossis thaum uas ua kevcai Raus Dej nyuam qhuav tag hlo. Tej zaj nkauj xws li: “Cia Li Coj Mus Rau Ntawm Tus Dej,” (*Take Me to the Water*), “Dej, tus Dej, Vaj Ntsujplig, Kev Hlub,” (*Water, River, Spirit, Grace*) Halleluja, “Ntawm No Yog Txoj kev Uas Vaj Ntsujplig Mus Kiag Tamsim No” (*This is the Spirit’s Entry Now*) thiab “Koj Cia

Li Muab Tso Rau Ntawm Khetos” (*You Have Put on Christ*) *thiab lwm zaj nkauj ntxiv.*

- Ib tug pab dej num, ib tug taws teeb ciab lossis tus pab haujlwm rau xibfwb kuj muaj cuab kav sawv ntawm xibfwb ib sab ntawm pas dej, tuav phau ntawv kevcai haujlwm kom tus xibfwb muaj tes los ua kevcai Ua Tsaug txog cov dej ntawd.
- Ib tug pab dej num, ib tug taws teeb ciab lossis tus pab haujlwm rau xibfwb kuj muaj cuab kav nqa phuam cev rau tus uas nyuam qhuav ua kevcai raus dej tag, thiab kuj cev rau tus xibfwb, thiab (yog tau) nqa roj hliv mus cev rau tus xibfwb.
- Yog hais tias pawg ntseeg pub khaub ncaws tshiab, lossis lwm yam uas muab pub rau tus raug ua kevcai Raus Dej thiab lawv tus niam qhuav txiv qhuav, ces tus sawv cev ntawm pawg ntseeg qhia tawm cov khoom plig no.

Thaum ib lub pawg ntseeg twg nkag siab zoo txog tej tes haujlwm sib txawv no thiab sib faib ua haujlwm kom zoo, ces pawg ntseeg ntawd twb yog tabtom qhia tawm txog cov thwjtim tes haujlwm pov thawj hlob thiab pab rau sawv daws pom tseeb txog tes haujlwm no tau ua li cas nyob rau hauv tej haujlwm uas lawv ua thiab nws mus deb dua li qhov uas tsuas pehawm rau hnuv Kaj. Ntshe yuav tsis muaj ib yam dabtsi qhia tawm tej no meej dua li tej lus thov uas tau tus xibfwb thov fij mus rau Vaj Ntsujplig:

Kiag tom qab uas ua kevcai raus rau hauv dej tag, tus xibfwb yuav tsa tes rau saum tus raug ua kevcai taub hau thiab taij thov Vaj Ntsujplig nqes tes ua haujlwm rau tus ntawd. Lwm tus lossis tus ntawd tsev neeg muaj feem los koom nrog xibfwb thov Vajtsuwv lub sijhawm no...

Peb cia li xav txog qhov uas yog tias muaj txaus cov kev taw qhia ua lub rooj kevcai no. Ua ntej uas yuav thov Vajtsuwv, tus xibfwb muaj cuab kav nres me ntsis thiab nqua hu sawv daws los koom nrog tes haujlwm no. Cov uas sawv ze ntawm lub pas raus dej tsa lawv txhais tes rau ntawm tus raug raus dej, rau ntawm cov niam qhuav txiv qhuav, lossis rau saum tus xibfwb. Lwm tus uas sawv ib ncig ntawd tsa tes rau ntawm tus uas sawv

ntawm lawv xub ntiag, lossis tsa tes zoo li foom koob hmoov. Tò m qab uas tagnrho txhua tus los koom rau ntu thov Vajtswv no tag, kiag tom qab, tus xibfwb saib ntsia ntsoov mus rau ntawm tus raug ua kevcai raus dej thiab hais tias:

Vaj Ntsujplig tabtom ua haujlwm rau hauv nej,

Nej tau yug los dhau ntawm dej thiab Vaj Ntsujplig,

Nej yuav ua tau Tswv Yexus Khetos ib tug tub txib zoo.

Zoo li twb hais tag los, tagnrho sawv daws uas tshwm ntsej muag rau hnuv ntawd yuav teb hais tias: “Amecs.” Zoo li peb koom mus tagnrho rau hauv tes haujlwm uas peb ua pub rau peb cov kwvtij ntseeg nyob hauv Tswv Yexus Khetos. Yog hais tias peb ua rooj kevcai no ntau zaos, peb yuav pom tes haujlwm ntawd nws nkag mus tob rau puas hauv peb lub siab lub ntsws.



Yam Dabtsi Ntxiv? Cov Kev Taw Qhia Ntawm Kees Kwm Thiab Cov Kev Taw Qhia Ua Tes Haujlwm Dawb Huv

Lub ntsiab lus pheej tshwm nyob rau ntawm thaj chaw, thiab ntawd yog hais txog rooj ua kevcai Raus Dej – thiab raws li ntawd yuav pab rau kom peb nkag siab txog lub ntsiab lus ntawm rooj kevcai Raus Dej thiab kevcai Raus Dej yuav koj peb mus txog rau ntawm ib thaj chaw. Qhov uas tsa tes thov Vajtsv tau hais txog rau ntu saud yog ib teg haujlwm muaj lub hauv paus los ntawm Vajluskub los, thiab tau siv los qhia tias cob ib teg haujlwm rau cov uas lawv muab lawv lub neej fij ua haujlwm pub rau Vajtsv (piv txwv: Teev Npe 27:18, II Kevcai 34:9, Tes Haujlwm 9:17, I Ti-mau-tes 4:14). Peb pheej pom qhov uas tsa tes thov Vajtsv nyob rau hauv tej rooj kevcai tsa xibfwb, tiamsis ntawm no kuj yog ib teg haujlwm tshwm muaj nyob hauv cov rooj ua kevcai Raus Dej puas thaum ub los thiab nyob rau hauv rooj kevcai Lees Txais Kev Ntseeg (*confirmation*). Thiab tseeb tiag, koom haum Gíám lý qhia meej tias rooj kevcai tim khawv txais kev ntseeg nws zoo li yog ib feem ntawm rooj kevcai Raus Dej tau nthuav dav (*the Baptismal Covenant*). Peb kuj muaj cuab kav ua kevcai tsa tes rau ntawm tej rooj tshoob thiab nyob rau ntawm cov ntseeg tej rooj kevcai uas tseem ceeb. Txawm yog nyob rau lub rooj kevcai twg los qhov uas peb tsa tes thov Vajtsv yog taw kev rau peb mus rau ntawm peb tes dejnum uas tseem ceeb, yog “tau yug los dhau ntawm dej thiab Vaj Ntsujplig, thiab sawv daws yuav ua lub neej zoo li yog Tswv Yexus Khetos ib tug thwjtim.”

Lub suab nqua hu cov ntseeg nws muaj ntau yam sib txawv, tiamsis muaj ib yam sib thoov rau tagnrho txhua tus uas raug ua kevcai Raus Dej yog lo lus nqua hu yuav tsum thov Vajtswv pab rau lub ntiajteb. Zoo li peb twb pom nyob rau hauv phau Tes Haujlwm thiab nyob rau hauv tej phau ntawv txog kev ntseeg moo zoo puas thaum ub los, xws li phau Kev Lees Txim xub Thawj (First Apology) uas tau Justin Martyr sau nyob rau tiam thib ob, yam xub thawj uas cov raug ua kevcai Raus Dej ua tom qab yog koom mus nrog cov ntseeg los ntawm lawv cov lus thov. Ntawm no “Yam haujlwm txuas ntxiv yog dabtsi?” Yog hais txog cov lus nqua hu thov Vajtswv pab kom lub ntiajteb nyob sib haum xeeb, thiab tseem ceeb dua yog tej lus thov uas tau tshwm tawm dhau ntawm peb tes haujlwm uas yog peb txhais tes thiab txhais taw ua.

Ib qho kev kawm paub txog “tes haujlwm txuas ntxiv yog dabtsi?” yog nyob rau hauv cov kev taw qhia txog tej haujlwm dawb huv txog rooj kevcai Raus Dej. Nyob hauv hais tias:

Tej lub rooj kevcai Raus Dej koj kev mus rau ntawm Tswv Yexus Rooj Mov Dawb Huv, thiab nyob rau hauv muaj kev sib txuas cov ntseeg tshiab los koom nrog cov ntseeg rau ntawm Khetos lub cev. Cov ntseeg tshiab, yog hais tagnrho txog tej menyuam, muaj cuab kav nqa ncuav thiab lub khob mus rau ntawm Vajtswv lub rooj, txais ncuav thiab khob thiab tom qab pab haujlwm nyob rau hauv Tswv Yexus rooj mov.

Yog li, Tswv Yexus rooj mov thiab Kevcai Raus Dej muaj kev sib txuas ua ke, thiab qhov tseeb ntawm no yog kev ua mus ua los ntawm cov ntseeg Moo zoo tej kevcai koj puas thaub ub los. Peb tsis txhob nyeem phau kev taw qhia txog tes haujlwm dawb huv zoo li tias “leejtwg yuav ua dabtsi...?” Vim rau qhov yog ua li no yuav ib zaus ntxiv ua teeb meem thiab muab cov lus nug ntawd saib nqaim li yog ib tug neeg twg li meej mom thiab hwjchim lawm. Zoo dua mas yog nyeem los ntawm lub siab xav txog txoj kev qhia moo zoo. Peb yog cov ntseeg uas yog Vajtswv cov menyuam thiab tau cawm los ntawm Yexus Khetos, yog li peb tau nqua hu kom ua lub neej paub ua Vajtswv tsaug thiab ntau dua ntawd yog paub fij peb lub neej mus pab lwm tus. Peb twb txais tau Khetos lub cev thiab Khetos cov ntshav kom peb yuav dhau mus pub Khetos lub cev mus rau lub ntiajteb no thiab kom lawv tau cawm dim los ntawm Tswv Yexus Khetos cov ntshav.

Ib zaus ntxiv, ua kevcai Raus Dej cawm tau peb, tiamsis tsis yog raws li ib txoj kevcai nruj uas cawm ib tug twg uas twb muaj qee tus twb tau qhia lossis tau ntseeg. Dhau ntawm cov kev cog lus ua kevcai Raus Dej thiab dhau ntawm cov ntseeg, Vajtswv twb nqug peb tawm ntawm peb txoj kev khuab xeeb txog peb lub neej, thiab pub ib qhov chaw nyob rau peb nyob rau hauv Vajtswv txoj kev npaj: yog yuav foom koob hmoov rau lub ntiajteb thiab nqua hu lub ntiajteb los rau ntawm txoj kev ncaj ncees thiab txoj kev hlub. Peb yuav nrhiav pom peb lub haum phiaj ua neej thiab peb txoj kev mus thaum peb koom ua ke mus rau hauv tes haujlwm tseem ceeb ntawd.



Cov Lus Nug Pheej Ntsib Nyob Hauv Koom Haum Giám Lý Liên Hiệp Rooj Kevcai Raus Dej

N: *Koom Haum Giám Lý Liên Hiệp phau Kab Lis Kevcai nqua hu yuam peb cob qhia cov neeg uas yuav raug ua kevcai Raus Dej thiab / lossis cov niam qhuav txiv qhuav. Yuav ua li cas kom peb thiaj totaub txog tej lus nqua hu no?*

T: Zoo rau cov neeg yuav los ua kevcai thiab kuj zoo rau cov niam qhuav txiv qhuav thiab cov fibfwb yog kom lawv puav leej paub tias thaum twg txog sijhawm mus rau pem hauv ntej, sawv rau ntawm thaj chaw twg, hais dabtsi thiab ua dabtsi. Zoo li ntawm ib rooj tshoob, yog peb xyauu ua ntej nws yuav zoo dua. Txawm li ntawd los, nco ntsoov ceev faj tias nyob rau tiam cov ntseeg puas thaum ub, rooj kevcai Raus Dej tshwm muaj los ntawm cov ntseeg cim civ tshuaj xyuas lawv tus kheej. Kuv tsis thoov yim qhov uas peb tig rov mus coj zoo li cov ntseeg tiam thaum ub, tiamsis qhov no taw qhia rau peb txog ib lub ntsiab lus dav dua txog qhov “taw kev.” Nyob rau tiam thaum ub phau kev ntseeg, cov neeg uas yuav npaj los ua kevcai Raus Dej lawv rau siab ntso nrhiav Vajtswv txoj lus thiab lawv cov niam qhuav txiv qhuav saib xyuas lawv yuav pab cob qhia lawv kom lawv txais tau Vajtswv txoj lus mus rau hauv lawv lub neej thiab paub ua lub neej kom raws li Vajtswv txoj lus qhia.

Kuv kuj tsis thoov yim qhov uas peb yuav tsum tig rov qab mus rau cov kev cai ntseeg tiam thaum ub, vim rau qhov tej ntawd tsuas mus taug ntev li peb lub xyoo lossis ntev dua mentsis ua ntej yuav ua rooj kevcai raus dej xwb. Txawm li ntawd los, peb yuav ua tau zoo yog tias peb saib tej kev taw qhia ntawd zoo li cov neeg Wesleyans pheej ua, nws zoo li ib txoj kev koj kom loj hlob ntawm sab ntsuj plig thiab tsis tshua zoo li ib rooj qhuab qhia / sib tham. Kev cob qhia ua ntej yuav pab rau rooj kevcai Raus Dej nws zoo li ib hnub uas cov ntseeg Giám Lý tuaj sib ntsib sib tham, tiamsis tsis yog ib rooj kawm txog ntau ntawv tiamsis nws zoo li ib rooj kawm xyaum ua thwjtim. Peb tig rov mus saib hnub uas ua tshoob, peb nco ntsoov fee kom meej qhov txawv ntawm lub rooj xyaum ua tshoob thiab tej hnub uas kawm thiab taw qhia txog kev txij nkawm. Kev kawm txog txij nkawm tes haujlwm yog pab kom ob tug paub ua lub neej zoo li ib tsev neeg ntseeg. Muaj qee qhov tswv yim yuav qhia rau ob tug los ua lub neej txij nkawm, yog muaj cov niam txiv uas twb ua neej ntev thiab ntsib dhau ntau yam kev totaub zoo los qhia tswv yim rau ob tug ntawd.

Peb kuj cia li xav txog qhov kev cob qhia cov uas yuav ua kevcai Raus Dej kuj zoo ib yam li ntawd, xws li nrhiav kev koj lub ntsiab lus ntawm kevcai Raus Dej los rau hauv lub rooj kevcai Noj Tsuag (mùa chay) lossis rau ntawm rooj kevcai Yexus sawv. Yog tias pawg ntseeg muaj ob peb pab pawg yuav los ua kevcai Raus Dej, ces ib tug los ua niam qhuav txiv qhuav rau ntawm pab menyua, ib tug los ua niam qhuav txiv qhuav rau ntawm pab cog neeg laus. Lawv muaj cuab kav siv cov lus nug txog kevcai Raus Dej tiam thaum ub los ua pab pwv kom nyeem totaub Vajlukub, xws li, “Yuav ua li cas kom ntu Vajluskub no hais tawm tej kev phem, thiab yuav ua li cas kom peb hnov Vajtswv lub suab hu peb sawv mus tawm tsam tej kev phem ntawd?” Luag yuav nrhiav tau tej kev kawm paub zoo li no nyob rau hauv pawg ntseeg Giám Lý Liên Hiệp cov kev taw qhia thiab hauv koom haum Kwvtij cov kev taw qhia. Cov xibfwb thiab cov pab dejnum yuav tsum saib xyuas tej tes haujlwm zoo li ntawd, kuj zoo li cov pab pawg Thwjtim Kev Cog Lus (*Covenant Discipleship*), nrhiav tau cov thawj koj los ntawm cov neeg uas cog lus pab dej num los.

N: *Yog tias muaj ib tug tsis raug yuam yuav tsum ua raws li cov kev cog lus ua thwjtim tab meeg ntawm sawv daws xub ntiag, ces peb puas muaj cuab kav muab tus ntawd ua kevcai Raus Dej kiag lub sijhawm ntawd?*

T: Yog muaj tej rooj kevcai Raus Dej zoo li ntawd ces yeej hnov ntshov heev, tiamsis kuv tsis xav hais tias ntawm no yog txoj kev uas zoo tshaj, vim yog ob yam no. Yam thib ib, yog saib raws li lo lus nug ntawd ces lo lus thov no saib cuag li tsis ua li cas. Txawm yog peb yuav ua li cas kom qhia tawm koom haum cov kevcai coj rau cov neeg los ua kevcai Raus Dej los, muaj qee lo lus ntawm tus xibfwb thiab tus raug raus dej nws yuav tsi yog ua tau tiav txhua txhua zaus. Tseeb tiag nyob rau hauv cov ntseeg ntawm sab Mekas tebchaws, peb yuav yooj yim hnov qab tias ua kevcai Raus Dej yuav mus txuas nrog ib txoj kev cog lus uas tseem ceeb twg. Raug ua kevcai Raus Dej los ntawm Tswv Yexus Khetos txoj kev tuag (Loos 6:3-4) yuam kom yuav tsum tuag yus tus kheej mus, txog qib uas tuag vim txoj kev ntseeg thiab tsawg kawg nkaus yog txais yuav qhov uas yuav muaj cov ntseeg uas muaj tus cwj pwm txawv thiab nyuaj nyob hauv Vajtswv pawg ntseeg. Txhua zaus uas peb taw kev rau cov menyuam mus ua kevcai Raus Dej ces twb yog peb tabtom txaus siab pub rau lawv ib lub neej uas yuav muaj ntau yam kev sim siab. Cia peb txais ntshov cov lus ntawm kevcai tshoob kos puas tiam thaum ub, “Yog li ntawd, tsis txhob lam mus rau hauv es tsis xyuam xim. Tsawg kawg nkaus yuav tsum muaj ib lub sijhawm los sib tham ntiag tug rau lub sijhawm uas muab tej teeb meem tseem ceeb li ntawd los sib tham.

Yam thib ob yuav tsum ceev faj txog yog txog qhov uas maj nroog ua kevcai Raus Dej. Nyob rau ntawm ib tug kwvtij uas peb tsis paub meej tabtom sawv hauv peb lub tuam tsev, peb tsis muaj ib txoj kev twg uas yuav tshuaj xyuas tau tias yav tag los tus ntawd twb tau ua kevcai Raus Dej lawm los tsis tau thiab peb tsis muaj sijhawm los sib tham txog tias vim li cas qhov ntawd ho tseem ceeb rau peb. Yog tias tus ntawd twb ua kevcai raus dej lawm ces tsis tag yuav siv sijhawm los sib tham txog cov kev hloov pauv ua kevcai.

Yog li, peb tsim nyog tsheej ua dabtsi thaum sawv daws txais yuav lo lus nqua hu los ua Vajtswv li thwjtim? Peb cia li txais tos lawv los ntawm lub siab xyiv fab lug thiab thov Vajtswv pab rau lawv. Peb cia

li xaiv ib tug los ua tus coj thiab qhia lawv ntawm sab ntsuj plig thiab yog tus uas tom qab no yuav nrog lawv muaj kev sib txuas lus ntxiv mus rau tom ntej, thiab tej thaum yog tus uas yuav coj lawv mus rau ntawm rooj ua kevcai Raus Dej.

N: *Qhov uas ua tim khawv lees txais kev ntseeg (confirmation) nws muaj kev sib txuas li cas rau ntawm rooj kevcai Raus Dej? Qhov no puas cheem tsum?*

T: Lo lus “tim khawv lees txais kev ntseeg” (*confirmation*) yog ib qho kevcai muaj ntxiv rau cov kevcai tseem ntawm cov ntseeg Giám Lý Mekas, thawj zaus rooj kevcai no tau tshwm nyob hauv phau *Kev Pehawm Rau Pawg Ntseeg Thiab Tsev Neeg (The Book of Worship for Church and Home)* (1964). Txawm yog qhov kevcai no nws muaj ntsis tshiab rau ntawm koom haum Giám Lý Liên Hiệp, tiamsis nyob rau hauv phau Dhau Los Ntawm Dej Thiab Vaj Ntsujplig tau luam tawm xyoo 1988-1992 twb nqua hu kom muab ntu “lees txais kev ntseeg” no tshem tawm mus, tiamsis lub tswvyim no tau sawv daws coob tus tsis thooy yim. Yog li tim khawv lees txais kev ntseeg tseem yog ib feem nyob rau hauv peb txoj kevcai, peb totaub li no tias “lo lus xub thawj tau hais tawm tab meeg sawv daws ntawm ib tug neeg tias nws txais yuav txojkev hlub pub dawb nyob rau hauv rooj kevcai Raus Dej thiab nws txais yuav txoj kev hlub pub dawb ntawd los ntawm nws txoj kev ntseeg.” Yog li ntawd, rooj kevcai tim khawv lees txais kev ntseeg tau saib zoo li ib txoj kev pib ntawm ib tug neeg uas thawj zaus mus ua ib tug ntseeg nyob hauv koom haum Giám Lý Liên Hiệp.

Ceev faj hais tias peb ua rooj kevcai no dhau los ntawm siv ib qho kev thov Vajtswv muaj ntsis zoo li cov lus thov Vajtswv tom qab uas ua kevcai Raus Dej thiab peb qhov kev tsa tes thov Vajtswv tom qab ua kevcai Raus Dej (saib ntu sib tham ua ntej ntawd). Nyob rau ntawm rooj kevcai tim khawv txais kev ntseeg, peb kuj tsa tes nrog lo lus thov Vajtswv,

*Vaj Ntsujplig ua haujlwm rau hauv nej,
Nej twb tau yug dua tshiab los ntawm dej thiab Vaj ntsujplig,
Nej muaj cuab kav ua tau ib lub neej zoo li Tswv Yexus Khetos
ib tug thwjtim.*

Cov lus ntawd mus ua qab thaum uas peb siv dej zoo li “ib lub cim tiamsis tsis txhob xav yuam kev tias ntawm no yog kevcai Raus Dej”, zoo li tus xibfwb twb tau hais, “yuav tsum nco ntsoov hnub uas nej ua kevcai raus dej thiab yuav tsum paub ua Vajtswv tsaug.” Yog li kevcai tim khawv lees txais kev ntseeg muaj kev sib txuas rau ntawm kevcai Raus Dej, nws zoo li ib qho haujlwm txhab ntxiv txog qhov khoom plig ntawm kevcai Raus Dej. Raws li peb phau Kab Lis Kevcai, raws li txoj cai uas nruj tshaj plaws, ces tim khawv lees txais kev ntseeg yog ib yam uas zoo muaj nuj nqis, thiab cheem tsum zoo li ib txoj kev pib rau cov ntseeg yuav los koom rau hauv pawg ntseeg.

N: *Nqe lus “Yuav tsum nco nej lub rooj kevcai Raus Dej thiab nco ua Vajtswv tsaug” muaj lub ntsiab li cas?*

T: Zoo li tagnrho peb txoj kev xav txog cov rooj Kevcai Dawb Huv, peb yuav tsum xav mus deb dua li txhua yam uas cim nco hauv peb lub hlwb. Xws li, kuv nco txog rooj sib tw ncaws pob ntawm pab Baltimore Orioles thiab pab Texas Rangers nyob rau lub hli 4 xyoo 1985, vim muaj daus los loj heev yog li ob pab thiaj pib lig dua li lub sijhawm tau teem tseg. Hnub ntawd, Charlie Hough ntawm pab Rangers tau pab rau nws pab ntaus yeej ntawm zaus sib tw thib yim. Kuv zaum nrog kuv tus yawm txiv thiab ob tug phoojywg uas kuj yog xibfwb, kuj yog tus xibfwb ua kevcai rau wb ob niam txiv rooj tshoob thiab ua kevcai Raus Dej rau wb thawj tus menyuam. Txawm yog peb twb hnav cov tsho tiv no lawm los kuv pom tias no heev ua cuag li kuv yuav tuag no tiag. Kuv pheej nco txog hnub ntawd. Tiamsis, txhua zaus uas hauv tuam tsev hais tias, “Yuav tsum nco ntsoov nej lub rooj kevcai Raus Dej thiab nco ntsoov ua Vajtswv tsaug”, txoj kev nco no nws tsis zoo li kuv txoj kev nco txog hnub ncaws pob thaum ub. Nyob ntawm peb cov uas ua kevcai Raus Dej thaum me yau, ces peb yeej nco tsis tau peb lub rooj kevcai Raus Dej zoo li ntawd.

Yog li ntawd, nqe lus “Yuav tsum nco nej lub rooj kevcai Raus Dej”, tsis yog cov lus hais txog kev xav txog, tiamsis yog yuav tsum cim nco (*anamnesis*), yog ib lo lus los ntawm lus Kilis uas peb txhais los ntawm nqe lus, “Nej yuav tsum ua li no kom nco ntsoov kuv.” Lo lus ntawd

kuj tshwm muaj nyob rau hauv cov phau Moo zoo thiab hauv Tswv Yexus Rooj Mov yog nqua hu kom peb tsis yog rov qab xav txog Rooj Mov Sib Ncaim, tiamsis yog kom peb nco ntsoov txog tagnrho txhua yam uas Vajtswv twb tau ua pub rau peb dhau los ntawm Tswv Yexus Khetos. Peb nco tej no vim peb twb tau hnov dhau hauv Vajluskub. Ntawm Tswv Yexus Rooj Mov, qhov uas peb koom ua ke mus rau hauv cov lus thov uas peb muab fij rau Vajtswv thiab thaum peb txais yuav qhov khoom plig uas yog ncuav thiab khob cawv txiv hmab pab rau peb cim nco zoo dua. Yog li, nqe lus, “yuav tsum nco ntsoov nej lub rooj kevcai Raus Dej” kuj yuav tsum tau totaub zoo li ntawd, thiab peb muaj cuab kav xav txog nqe lus no zoo li, “Yuav tsum nco ntsoov tias nej twb tau ua kevcai Raus Dej lawm”. Thaum ua li ntawd, ua rau peb nco ntau dua txog txhua yam uas Vajtswv tau ua los cawm peb dim pib los ntawm dej thiab Vaj Ntsujplig. Tseeb tiag, Vajtswv qhov khoom plig uas yog kevcai Raus Dej tau muab pub rau tagnrho tib neeg hauv lub qab ntuj no, rau pawg ntseeg, thiab thaum kawg, dhau ntawm pawg ntseeg rooj kevcai Raus Dej mus ncav tau txhua tus tib neeg.

N: *Cov kev taw qhia siv rau rooj kevcai tim khawv lees txais kev ntseeg (reaffirmation) txog kevcai Raus Dej tau qhia paub tias, “dej tau siv los ntawm ntau txoj kev tiamsis txhais tsis tau tias yog kevcai Raus Dej.” Yuav ua li cas kom lwm tus ua tau raws li cov kev taw qhia no? Yam twg tau cai ua thiab yam twg tsis tau cai ua?*

T: Cov kev taw qhia ua haujlwm no tau sau tawm yog lub qhov rooj thaiv mus rau ntawm lub rooj kevcai Raus Dej ib zaus ntxiv. Vim li cas ntawm no yog tej yam cheem tsum? Peb yuav tsum nco ntsoov tias cov kevcai dawb huv yog tej lub cim ntawm tes haujlwm thiab tau txhais tawm ntawm lo lus hais. Lo lus hais thiab tes haujlwm puav leej tseem ceeb tiamsis tes haujlwm tseem ceeb dua. Yog li, qhov uas coj ib tug mus rau ntawm pas dej – lossis mus rau ntawm tus dej Yauladees – thiab muab lawv nias rau hauv dej thiab hais tias: “Ntawm no tsuas yog kevcai ua tim khawv lees txais kev ntseeg, thiab ‘Yuav tsum nco ntsoov nej rooj kevcai Raus Dej thiab nco ntsoov ua tsaug’ yog ua li no nws yuav tsis ncaj ncees, yooj yim ua rau xav yuam kev. Daim ntawv taw qhia haujlwm no nws tawm tsam qhov haujlwm saud, tseem ceeb yog, “Tsis txhob ua ib rooj kevcai Raus Dej ntxiv thiab tom qab muab nws hu ua lwm yam dabtsi txawv.”

Yog li, yam dabtsi tsim nyog ua? Kuv ntseeg hais tias qhov uas peb muab cov kev taw qhia haujlwm no saib siab tsuas yog los ntawm peb lub siab ua haujlwm, xav nqes tes ua thiab cog lus kom kawm tau tej yam muaj nqis ntxiv txog lub ntsiab lus ntawm kevcai Raus Dej xwb. Yog li, thaum nej thiab nej pab tsim kho kev cai pehawm yuav tsum ua tib zoo tshuaj xyuas seb tom qab uas nej ua rooj kevcai tim khawv lees txais kev ntseeg txog kevcai raus dej tag lawm, nej cia li nug nej tus kheej seb nej puas tau koj ncaj ncees raws li cov kev taw qhia haujlwm lub haum phiaj, lossis nej tabtom rov qab ua dua kevcai raus dej ib zaus ntxiv lossis tabtom ua ib rooj kevcai twg zoo thoob ib yam li ntawd, tsuas yog muab tis ua lwm lub npe lawm xwb? Yog nej tabtom ua yam thib ob ces nej cia li nres tsis txhob ua lawm. Nyob rau ntu txuas ntxiv mus, kuv yuav tham txog qhov uas vim li cas peb yuav tsum ceev faj tsis txhob ua kevcai Raus Dej zaus thib ob.

Nyob ntawm kuv, thaum kuv ua tus xibfwb koj rooj kevcai tim khawv lees txais kev ntseeg txog rooj kevcai Raus Dej, kuv txiav txim siab tias kuv yuav tsis siv kiag dej los rau cov neeg raug ua. Nyob ntawm kuv, yog ua li ntawd ces nws twb zoo thoob li ua kevcai Raus Dej lawm. Yog li kuv nrhiav tau lwm txoj kev txawv los ua. Nyob rau ib lub rooj kevcai ntawm Perkins, kuv hliv me ntsis dej mus rau ntawm sawv daws, kom tsis txhob ntub lossis ua rau leej twg ntog. Tom qab, kuv sawv rau ib sab thiab nqua hu sawv daws leej twg xav siv dej los siv. Kuv hais rau lawv hais tias, sawv daws muaj cuav kav kov rau hauv dej, ua lub cim ntoo khaublig rau ntawm lawv hauv pliaj. Qhov tseeb yog lawv nyias ua raws nyiaj paub thiab pom haum lawv thiab kuv tsis yog tus quab yuam lawv yuav tsum ua li no lossis ua li tod. Lawv thiaj yog tus tseem thiab yog tus muaj cuab kav ua.

N: *Vim li cas ua kevcai Raus Dej dua ib zaus ntxiv ho yog ib qho teeb meem, tseem yuav yog ib qho kev txhaum lawm thiab? Vim li cas peb tsis lees yuav qhov ntawd?*

T: Peb lub pawg ntseeg lees meej meej hais tias kevcai Raus Dej (koj peb) mus rau hauv Tswv Yexus Khetos pawg ntseeg... koj peb (los koom nrog) Vajtswv cov tes haujlwm txog kev cawm dim. Dhau ntawd Vajtswv muaj ib txoj kev cog lus rau peb koj peb mus ua Nws haiv

neeg, thiab ntawm no yog ib teg haujlwm tseem ceeb dawb huv uas tsis muaj hnuv yuav thim rov qab. Phau ntawv “Los Ntawm Dej Thiab Vaj Ntsujplig” tau hais meej,

Tshaj tawm tias kevcai Raus Dej yuav ua tsis tau ob zaus los ntawm Vajtswv tes haujlwm uas rau siab ntso ua. Vajtswv lub tswvim twb tau tsim muaj nyob rau hauv txoj kev cog lus kev hlub thaum coj peb mus txuas ua ke nrog nws rau hauv rooj kevcai Raus Dej...Peb muaj cuab kav ua neej tsis quav ntsej lossis saib tsis taus txoj kev cog lus ntawd, tiamsis peb tsis muaj cai muab Vajtswv txoj kev hlub uas tseg pub rau peb txiav tu kom tuag mus.

Puas ntev los lawm, pawg ntseeg twb hais meej txog tias kev lees txim yog ib yam cheem tsum rau ntawm tus neeg uas tau hnov qab nws txoj kev cog lus rau Vajtswv, tiamsis tsis yog hais txog tias rov qab ua kevcai Raus Dej dua ib zaus ntxiv. Vajtswv txoj lus tseem tshwm sim muaj nyob txog niaj hnuv nim no tsis txawj ploj. Feem ntau txhua yam uas los ntawm ib tug ntseeg (nyeem Vajtswv txoj lus thiab tshaj moo zoo, thov Vajtswv, kev cia siab tias yuav muaj ib lub tebchaws ncaj ncees thiab txhua rooj kevcai dawb huv) puav leej yog los ntawm peb lub siab ntseeg rau Vajtswv tus uas muab tej lus cog tseg pub rau peb. Tus Tswv uas twb tau nqes tes ua haujlwm cawm lub ntiajteb thiab nws tseem yuav ua li no ntxiv mus. Yog li, thaum cov ntseeg rov qab ua kevcai Raus Dej ib zaus ntxiv, ces twb yog peb tabtom ua rau peb txoj kev ntseeg Vajtswv uas ruaj khov nws yau zuj zug lawm.

Yeej tsis muaj ib lub koom haum ncaj ncees twg yuav yuam kom rov qab ua kevcai Raus Dej dua ib zaus ntxiv, txawm hais tias yuav muaj qee tus tsis txaus siab li cov lus no. Piv txwv, nyob rau tiam thib kaum rau, cov neeg uas raws txoj kev cai Anabaptists (cov uas raws txoj kevcai rov qab ua kevcai raus dej dua) lawv txwv kiag tsis pub ua kevcai Raus Dej rau cov menyuam, yog li ntawd cov ntseeg txiv plig, cov ntseeg coj siab sib haum, thiab txawm yog cov ntseeg Anh Giáo los puav leej saib tsis taus lawv. Txawm li ntawd los, yuav tsis ncaj ncees yog tias muab lawv hu ua “cov uas rov qab ua kevcai Raus Dej dua”, vim raws li lawv kev totaub txog lub tuam tsev, kevcai Raus Dej rau cov menyuam yeej tsis yog kevcai Raus Dej. Zoo li peb twb hais lawm, tej kev teeb meem li ntawd yuav tsum tau cov koom haum

tshuaj xyuas meej, tsis yog tau cov ntseeg hauv cov koom haum tshuaj xyuas. Cov ntseeg Giám Lý kuj coj raws li feem coob cov ntseeg thoob ntiaj teb thaum peb txaus siab rau tagnrho cov kevcai Raus Dej uas tuav Vaj Leejtxiv, Vaj Leejtub thiab Vaj Ntsujplig lub npe los ua. Thiab tom qab, peb yuav tsis rov qab ua kevcai Raus Dej rau ib tug uas nws twb ua kevcai Raus Dej thaum yau lawm thiab nws twb pom tias nws lub neej tau hloov dua tshiab thaum nws loj hlob, lossis txawm yog los ntawm lwm yam txawv.

Raws li peb twb tau ceev faj txog cov kev sib tham txog cov kev taw qhia haujlwm kawg, peb nco txog txoj kev sib txuas ntawm kevcai Raus Dej thiab Tswv Yexus rooj mov. Raws li twb tau tshwm sim hauv Vajtswv pawg ntseeg puas thaum pib los thiab tseeb tiag, Tswv Yexus rooj mov yog ib rooj kevcai dawb huv xaus ntawm cov ntseeg txhua rooj kevcai dawb huv, yog li nws muaj cai ua mus ua los. Txhua zaos uas peb koom noj Tswv Yexus rooj mov thiab txais yuav Khetos lub cev thiab cov ntshav ces peb yim tau coj mus tob dua rau hauv Vajtswv txoj kev hlub uas peb twb tau txais thawj zaos nyob hauv rooj kevcai Raus Dej. Yog li ntawd, qhov uas ua lub siab kub lug noj Tswv Yexus rooj mov yuav tsis yooj yim raug dag ntxias zoo li qhov uas rov ua kevcai Raus Dej dua ib zaos ntxiv.

N: *Kevcai raus dej puas muaj txoj kev sib txuas twg mus rau ntawm lwm rooj kevcai xws li, Kev tsa xibfwb, kev tshoob kos, Ntees Tuag?*

T: Cov rooj kevcai siv rau tes haujlwm Tsa dej num ntawm koom haum Giám Lý Liên Hiệp yog rooj kevcai (Tsa thawj coj/ tsa xibfwb). Nws tau siv tsa cov thawj coj thiab xibfwb, thiab cov Kws xibfwb Tswjlaug. Yuav tsum nco ntsoov tias cov rooj kevcai no tau pib los ntawm lub rooj kevcai tim khawv lees txais kev ntseeg txog kevcai Raus Dej thiab lees yuav peb tes haujlwm, yog li ntawd qhia tau hais tias tagnrho txhua tes haujlwm ntawm cov ntseeg thiab cov xibfwb puav leej tau pib dhau los ntawm txoj kev hlub thiab dhau los ntawm rooj kevcai Raus Dej lo lus nqua hu los.

Ib qho kev sib txuas ntxiv yog nyob ntawm peb txoj kevcai tshoob kos, nyob rau hauv rooj kevcai no cov txij nkawm yuav tsum tshaj tawm lawv lub haum phiaj ua neej:

Kom los sib txuas koom ua ke
Dhau ntawm Tswv Yexus Khetos txoj kev hlub pub dawb
Yog Tus Tswv twb nqua hu nej los koom nrog Nws ua ke
Zoo li twb tau lees tawm hauv nej lub rooj kevcai Raus Dej.

Yog li ntawd, nyob ntawm cov niam txiv ntseeg Yexus, lub neej txij nkawm tau saib zoo li ib txoj kev cob qhia thwjtim tau pib los ntawm rooj kevcai Raus Dej.

Txawm li ntawd los, yeej tsis muaj ib rooj kevcai twg txuas nrog kevcai Raus Dej meej dua li “kevcai ntees tuag.” Nws tau pib los ntawm cov lus hais tawm thaum muab daim ntaub tso rau saum lub hleb:

Khetos twb muab peb txoj kev tuag tua tuag lawm.
Khetos twb kho tau peb txoj sia lawm.
Khetos yuav rov qab los nrog Nws lub tshwjchim.
Zoo li hauv kevcai Raus Dej, (tus tuag lub npe) tau coj mus rau
hauv Khetos, cia rau hauv Khetos, (tus tuag lub npe) tau
koob meej...

Pall – ib daim ntaub dawb ntev, xaws ib tug ntoo khaublig rau ntawd – muaj lub ntsiab tias yog ib cev khaub ncaws raus dej. Yog li, tom qab tau hnav cev khaub ncaws raus dej ntawd, tus neeg tuag tau coj mus rau hauv tuam tsev, zoo li hnuv uas lawv tau niam txiv lossis tus niam qhuav txiv qhuav coj mus ua kevcai Raus Dej thaum ub. Ntawm no yog ib lub haum phiaj tseeb tseg rau cov uas xav paub zoo txog tej no. Vajtswv txoj kev hlub pub dawb muab pub rau peb nyob hauv rooj kevcai Raus Dej twb nqug peb mus rau ntawm tuam tsev puas thaum pib lawm, thiab txoj kev hlub ntawd cob qhia peb kom peb paub ua lub neej pab haujlwm mus tag peb sim neej, thiab kuj yog dhau ntawm txoj kev hlub ntawd, pawg ntseeg coj peb mus rau hauv qhov ntxa, txhawb nqa peb rau ntawm tus Tswv “ruaj khov thiab cia siab tias peb yuav sawv rov qab los thiab ciaj sia mus ib txhis dhau ntawm Tswv Yexus Khetos, uas yog peb tus Tswv cawm seej.

Ntaub Ntawv Nyeem Pab Pwv Ntxiv

Benedict, Daniel T., Jr. *Come to the Waters: Baptism and our Ministry of Welcoming Seekers and Making Disciples*. Nashville: Discipleship Resources, 1996.

Bushofsky, Dennis, Suzanne Burke, and Richard Rouse, editors. *Go Make Disciples, An Invitation to Baptismal Living*. Minneapolis: Augsburg Fortress, 2012.

Edie, Fred P. *Book, Bath, Table, and Time: Christian Worship as Source and Resource for Youth Ministry*. Cleveland: The Pilgrim Press, 2007.

Felton, Gayle Carlton. *This Gift of Water: The Practice and Theology of Baptism Among Methodists in America*. Nashville: Abingdon Press, 1992.

Johnson, Maxwell E. *The Rites of Christian Initiation, Their Evolution and Interpretation*. Collegeville, Minnesota: The Liturgical Press, 1999.

Lathrop, Gordon W. *Holy Things, A Liturgical Theology*. Minneapolis: Fortress Press, 1993, 1998.

Stamm, Mark W. *Devoting Ourselves to the Prayers, A Baptismal Theology for the Church's Intercessory Work*. Nashville: Discipleship Ministries, 2014

Stamm, Mark W. *Sacraments and Discipleship, Understanding Baptism and the Lord's Supper in a United Methodist Context*. Nashville: Discipleship Resources, 2001. (Updated edition available from OSL Publications, 2013).

Stookey, Laurence Hull. *Baptism, Christ's Act in the Church*. Nashville: Abingdon Press, 1982.

Txog Tus Sau

Mark W. Stamm kawm tiav doctor Vajluskub ntawm tsev kawm Boston thiab yog ib tug xibfwb qhia txog kev pehawm Vajtsww ntawm tsev kawm Vajluskub Perkins (Perkins School of Theology), Tsev kawm Southern Methodist.

Doctor Stamm yog ib tug Kws xibfwb (Elder) ntawm Koom Haum Giám Lý Liên Hiệp thiab yog ib tug xibfwb nyob rau cheeb tsam North Texas.



DISCIPLESHIP MINISTRIES

The United Methodist Church

1908 Grand Avenue
Nashville, TN 37212
UMCdiscipleship.org
877.899.2780
info@UMCdiscipleship.org

COM2403